



UNIVERSITÄTS-
BIBLIOTHEK
PADERBORN

Universitätsbibliothek Paderborn

Spiritualis Thesaurus Missæ

Sánchez, Gaspar

Coloniae Agr[ippinae], 1619

Accessus et Recessus Altaris, Et Nonnullæ perpulchræ Orationes ante & post Celebrationem recitandæ, in gratiam deuotorum Sacerdotum.

[urn:nbn:de:hbz:466:1-55223](https://nbn-resolving.org/urn:nbn:de:hbz:466:1-55223)


ACCESSVS
 ET RECESSVS AL-
 TARIS, ET NONNVL-
 læ perpulchræ Orationes ante
 & post Celebrationem reci-
 tandæ, in gratiam deuo-
 torum Sacer-
 dotum.

Anno



1619.

COLONIAE AGRIPPINAE
 Apud Petrum Henningium.
 Cum licent. Superiorum.



ACCESSVS ALTARIS.

V. Domine Labia mea aperies.

R. Et os meum annuntiabit laudem tuam.

V. Deus in adiutorium meum intende.

R. Domine ad adiuuandum me festina. Glor. Patri, &c.

Hymnus.

Veni creator spiritus,
Mentes tuorum visita

Imple superna gratia

Quæ tu creasti pectora.

Qui paracletus diceris

Donum Dei altissimi

Fons viuus, ignis, charitas,

Et spiritalis vnctio.

Tu septiformis munere.

Dex-

Dextræ Dei tu digitus,
Tu rite promissum patris
Sermone ditans guttura.

Accende lumen sensibus
Infunde amorem cordibus
Infirma nostri corporis
Virtute firmans perpetim.

Hostem repellas longius
Pacemque dones protinus,
Ductore sic te præuio
Vitemus omne noxium.

Per te sciamus da Patrem
Noscamus atque Filium
Te vtriusque Spiritum.
Credamus omni tempore.

Gloria Patri Domino
Natoque qui à mortuis
Surrexit ac Paraclito,
In sæculorum sæcula. Amen.

Anti-

Antiphona.

NE reminiscaris, Domine,
delicta nostra, vel paren-
tum nostrorum, neque vindi-
ctam sumas de peccatis nostris.

Psalmus. 83.

QVam dilecta tabernacula
tua Domine virtutum: cō-
cupiscit, & deficit anima mea in
atria Domini.

Cor meum, & caro mea ex-
ultauerunt in Deum viuum.

Etenim pascuer inuenit sibi
domum: & turtur nidum sibi,
vbi reponat pullos suos.

Altaria tua Domine virtutū:
rex meus, & Deus meus.

Beati, qui habitant in do-
mo tua Domine: in sæcula sæ-
culorum

300 A C C E S S V S
culorum laudabunt te.

Beatus vir, cuius est auxiliū
abs te: ascensiones in corde suo
disposuit in valle lachrymarū,
in loco, quem posuit.

Etenim benedictionem da-
bit legislator, ibunt de virtute
in virtutem: videbitur Deus
Deorum in Sion.

Domine Deus virtutum ex-
audi orationem meam, auribus
percipe Deus Iacob.

Protector noster aspice De-
us, & respice in faciē Christi tui.

Quia melior est dies vna in
atrijs tuis super millia.

Elegi abiectus esse in domo
Dei mei magis: quam habitare
in tabernaculis peccatorum.

Quia

Quia misericordiam, & veritatem diligit Deus: gratiam, & gloriam dabit Dominus.

Non priuabit bonis eos, qui ambulant in innocentia: Domine virtutum, beatus homo, qui sperat in te

Gloria Patri.

Psalmus 84.

Benedixisti Domine terram tuam, auertisti captiuitatem Iacob.

Remisisti iniquitatem plebis tuæ: operuisti omnia peccata eorum.

Mitigasti omnem iram tuam: auertisti ab ira indignationis tuæ.

Conuerte nos Deus salutaris
C c noster:

noster: & auerte irā tuam à nobis.

Nunquid in æternum irasce-
ris nobis? aut extendes iram
tuam à generatione in genera-
tionem?

Deus tu conuersus viuifica-
bis nos: & plebs tua lætabitur
in te.

Ostende nobis Domine mi-
sericordiam tuam: & salutare
tuum da nobis.

Audiam quid loquatur in
me Dominus Deus: quoniam
loquetur pacē in plebē suā.

Et super sanctos suos: & in e-
os, qui conuertuntur ad cor.

Veruntamē prope timentes eū
salutare ipsius: vt inhabitet
gloria

gloria in terra nostra.

Misericordia, & veritas ob-
ueniauerunt sibi: iustitia, & pax
osculatae sunt.

Veritas de terra orta est: &
iustitia de caelo prospexit.

Etenim Dominus dabit be-
nignitatem: & terra nostra da-
bit fructum suum.

Iustitia ante eum ambulabit:
& ponet in via gressus suos.

Gloria Patri.

Psalmus. 85.

Inclina Domine aurem tuam,
& exaudi me: quoniam in-
ops, & pauper sum ego.

Custodi animam meam, quo-
niam sanctus sum: saluum

Cc 2 fac

fac seruum tuum, Deus meus,
sperantem in te.

Miserere mei Domine, quoniam
ad te clamaui tota die: læ-
tifica animam serui tui, quoniã
ad te Domine animam meam
leuaui.

Quoniam tu Domine suauis,
& mitis, & multæ misericordiæ
omnibus inuocantibus te.

Auribus percipe Domine o-
rationem meam: & intende vo-
ci deprecationis meæ.

In die tribulationis meæ cla-
maui ad te: quia exaudisti me.

Non est similis tui in dijs
Domine: & non est secundum
opera tua.

Omnes gentes quascunque
fecisti,

fecisti, venient, & adorabūt cor-
ram te Domine: & glorificabūt
nomen tuum.

Quoniam magnus es tu, & fa-
ciēs mirabilia: tu es Deus solus.

Deduc me Domine in via
tua, & ingrediar in veritate tua:
lætetur cor meum vt timeat no-
men tuum.

Confitebor tibi Domine
Deus meus in toto corde meo,
& glorificabo nomen tuum in
æternum.

Quia misericordia tua magna
est super me: & eruisti animam
meam ex inferno inferiori.

Deus, iniqui insurrexerunt
super me, & synagoga potenti-
um quæsierunt animam meam,

C c 3 & non

& non proposuerunt te in conspectu suo.

Et tu Domine Deus miserator & misericors, patiens, & multæ misericordiæ, & verax.

Respice in me, & miserere mei, da imperium tuum puero tuo: & saluum fac filium ancillæ tuæ.

Fac mecum signum in bonū, vt videant qui oderunt me, & confundantur; quoniam tu Domine adiuuisti me, & consolatus es me.

Gloria Patri.

Psalmus 115.

CRedidi, propter quod locutus sum: ego autem humili-

miliatus sum nimis.

Ego dixi in excessu meo: omnis homo mendax.

Quid retribuam Domino, pro omnibus, quæ retribuit mihi?

Calicem salutaris accipiam: & nomen Domini inuocabo.

Vota mea Domino reddam, coram omni populo eius: pretiosa in cōspectu Domini mors Sanctorum eius.

O Domine quia ego seruus tuus: ego seruus tuus, & filius ancillæ tuæ.

Dirupisti vincula mea: tibi sacrificabo hostiam laudis, & nomen Domini inuocabo.

Vota mea Domino reddam
in conspectu omnis populi eius:
in atrijs domus Domini, in
medio tui Hierusalem.

Gloria Patri.

Psalmus 129.

DE profundis clamaui ad te
Domine: Domine exaudi
vocem meam.

Fiant aures tuæ intendentes,
in vocem deprecationis meæ.

Si iniquitates obseruaueris
Domine, Domine quis sustine-
bit?

Quia apud te propitiatio est,
& propter legem tuam sustinui
te Domine.

Sustinuit anima mea in ver-
bo eius: sperauit anima mea
in

in Domino.

A custodia matutina usque
noctem: speret Israel in Domi-
no.

Quia apud Dominum mise-
ricordia: & copiosa apud eum
redemptio.

Et ipse redimet Israel, ex o-
mnibus iniquitatibus eius.

Gloria Patri.

Antiphona.

NE reminiscaris Domine de-
licta nostra, vel parentum
nostrorum: neque vindictam
sumas de peccatis nostris.

Sacerdos dicit.

Kyrie eleison.

Christe eleison.

Kyrie eleison.

Pater

Pater noster.

V. Et ne nos inducas in tenta-
tionem.

R. Sed libera nos à malo.

V. Ego dixi, Domine miserere
mei.

R. Sana animam meam, quia
peccaui tibi.

V. Conuertere Domine ali-
quantulum.

R. Et deprecare super seruos
tuos.

V. Fiat misericordia tua Do-
mine super nos.

R. Quemadmodum speraui-
mus in te.

V. Sacerdotes tui induantur
iustitiam.

R. Et Sancti tui exultent.

V. Ab

V. Ab occultis meis munda me
Domine.

R. Et ab alienis parce seruo
tuo.

V. Domine exaudi orationem
meam.

R. Et clamor meus ad te veniat.

Oremus.

AVres tuę pietatis, mitissime
Deus, inclina precibus no-
stris, & gratia sancti Spiritus il-
lumina cor nostrum : vt tuis
mysterijs dignè ministrare, te-
que æterna charitate diligere
mereamur.

DEus, cui omne cor patet, &
omnis voluntas loquitur,
& quem nullum latet secre-
tum:

tum: purificā per infusionē sancti Spiritus cogitationes cordis nostri: vt te perfectē diligere, & dignē laudare mereamur.

VRe igne sancti Spiritus renes nostros, & cor nostrū, Domine: vt tibi casto corpore seruiamus, & mundo corde placeamus.

MEntes nostras, quæsumus Domine, Paracletus qui à te procedit, illuminet: & inducat in omnem, sicut tuus promisit filius, veritatem.

ADsit nobis, quæsumus Domine, virtus Spiritus sancti,

cti, quæ & corda nostra clemē-
ter expurget, & ab omnib. tue-
atur aduersis.

DEus, qui corda fidelium
sancti Spiritus illustratio-
ne docuisti: da nobis in eodem
Spiritu recta sapere, & de eius
semper consolatione gaudere.

Conscientias nostras, quæ-
sumus Domine, visitando
purifica, vt veniens Dominus
noster Iesus Christus filius tu-
us, paratam sibi in nobis inue-
niat mansionem. Qui tecum vi-
uit & regnat in vnitate Spiritus
sancti Deus, per omnia
sæcula sæculorum.

Amen.

D d

ORA-

Oratio ante Missam.

A Cerbissimam passionē Do-
mine Iesu Christe, mortis
angustiam, mœstitiā, tædium
& pauorem, guttas sanguinei
sudoris, probra, sputa, cola-
phos, irrisiones, accusationes &
alapas, vincula, flagella, contu-
melias, & terrores, spinam co-
ronam, crucem, clauos, fel, ace-
tum, & lanceam, quibus vsque
ad mortem iustus pro iniustis,
innocenter & crudeliter affli-
ctus es ad mentem reuocans
doloroso tibi corde compati-
gestio, & eiusdem passionis tuæ
memoriam pro conficiendo,
tractando, & accipiendo sa-
cra-

eratissimo tui pretiosi corpo-
 ris & sanguinis Sacramento,
 Altare tuum proponens acce-
 dere; dignitatem & reueren-
 tiam ipsius Sacramenti atten-
 dens, ac meipsum probando,
 propriam foeditatem confide-
 rans, vereor ne in iudicium mi-
 hi, & condemnationem acce-
 dam, quod si praetermifero, &
 sacerdotali officio non accessero,
 timeo ne ex inobedientia
 negligentiaque condēner. Quia
 igitur te à peccatoribus ex-
 orari, tibi que contriti cor-
 dis sacrificium offerri praeci-
 pis, ignosce precor peccan-
 ti, parce confitenti, miserere ro-
 ganti. Et da mihi spiritum

Dd 2 con-

contribulatum, quem tibi gratum Sacrificium reuelasti, vt eo purificatus, non solum Sacramentum, sed etiam virtutem Sacramenti suscipere merear: quod omnia peccata mea delet: & ea deinceps vitandi tabulam securissimam præstet. Mihi quæ & omnibus fidelibus viuus & defunctis pro quibus illud offerre aggredior, in nostrorum remissionem peccaminum & vitam proficia. sempiternam Amen.

Oratio deuotissima dicenda à Sacerdote antè vel post Celebrationem.

PAter cœlestis clementissime Domine, pater misericordia-

cordiarum: Suscipe hodie per manus serui tui hoc sacrosāctū Sacrificium, verum corpus & sanguinem vnigeniti filij tui Domini nostri Iesu Christi in satisfactionem, & remissionem omnium peccatorum meorum, in salutem, & fortitudinem animæ meæ, & totius domus meæ, & omnium illorum, quibus aliqua obligatione teneor, & omnium Dominorum, Prælatorum, Prædicatorum, Sacerdotum, & Religiosorum Catholice fidei, vt eis gratiam Spiritus sancti impartiri digneris ad salutem animarum suarum, & regimen totius populi Christiani, & omnium peccatorum hu-

ius mundi, vt eos conuertas, & ducas ad viam salutis, in consolationem omnium tribulato- rum, vt eis adiutorium, & ve- ram patientiam tribuas; in re- frigerium, & liberationem o- mnium animarum existentium in Purgatorio, & maximè illa- rum quæ auxiliū à me iure ex- pectant, & ad illuminationem & conuersionem omnium gen- tium infidelium, & hæretico- rum, & schismaticorum, vt co- gnoscant, & ament te, summam veritatem, Patrem omnipoten- tem, qui cum Filio, & Spiritu sancto es laudabilis Deus, & be- nedictus in sæcula sæculorum. Amen.

GRÈ-

GREGORIUS XIII. PONT.

Max. concessit cuilibet dicenti quæ
sequuntur, Quinquaginta an-
norum Indulgen-
tias.

EGo volo celebrare Missam,
& conficere Corpus, & San-
guinem Domini nostri I E S U
Christi, iuxta ritum sanctæ Ro-
manæ Ecclesiæ, ad laudem O-
mnipotentis Dei, totiusq; Cu-
riæ triumphantis, ad utilita-
tem meam, totiusq; Curie mi-
litantis pro omnibus, qui se cõ-
mendauerunt orationibus meis
in genere, & in specie, & pro
foelici statu sanctæ Roman. Ec-
clesiæ. Amen.

D d 4

Gau-

GAudium cum pace, emendationem vitæ, spacium veræ pœnitentiæ, gloriã & consolationem sancti Spiritus, perseverantiam in bonis operibus, tribuat nobis omnipotēs & misericors Dominus. Amen.

Oratio dicenda ante Missam.

DEus, qui de indignis dignos facis, & de peccatoribus iustos, & de immundis mundos: munda cor, & corpus meum ab omni contagione, & sorde peccati, & fac me dignum atque strenuum sanctis altaribus tuis ministrum: concede propitius, vt in hoc altari, ad quod indignus accedo, hostias acceptabiles, atque placabiles
offe-

offeram pietati tuæ pro peccatis, & offensionibus innumerisque & quotidianis excessibus meis, atque cunctorum simul Christianorum culpis ablendis, & per eum sit tibi votum meum acceptabile, qui se tibi Deo patri pro nobis obtulit sacrificium. Qui tecum viuit & regnat in virtute Spiritus sancti Deus, &c.

Alia Oratio.

Obscuro te dulcissime Iesu Christe, vt passio tua sit mihi virtus, qua muniar, protegar, atque defendar; vulnera tua sint mihi cibus, & potus, quibus pascar, enutrier, atque delecter; aspersio sanguinis tui

D d 5 sit

ſit mihi ablutio omnium peccatorum meorum. Mors tua ſit mihi vita indeficiens: Crux tua ſit mihi gloria ſempiterna: reſurrectio & auxilium, ſanitas & gaudium, deſiderium & ſolatiū cordis mei nūc, & in perpetuū. Qui viuis & regnas cum Deo Patre in vnitate Spiritus ſancti Deus, Per omnia ſæcula ſæculorum. Amen.

Aliam orat. quære fol. 333.

RECESSVS ALTARIS.

TRium puerorum cātemus hymnum: quem cantabant ſancti in camino ignis benedicentes Dominum.

Can

Canticum trium puerorum.

Benedicite omnia opera Domini Domino: laudate & superexaltate eum in sæcula.

Benedicite Angeli Domini Domino: benedicite cæli Domino.

Benedicite aque omnes, que super cælos sunt, Domino: benedicite omnes virtutes Domini Domino.

Benedicite Sol & Luna Domino: benedicite stellæ cæli Domino.

Benedicite omnis imber & ros Domino: benedicite omnes spiritus Dei Domino.

Benedicite ignis & æstus Domino: benedicite æstas & frigus Domino.

Be-

Benedicite rores & pruina
domino: benedicite gelu & fri-
gus domino.

Benedicite glacies & niues
domino: benedicite noctes &
dies domino.

Benedicite lux & tenebræ
domino: benedicite fulgura &
nubes domino.

Benedicat terra dominum:
laudet & super exaltet eū in sæ-
cula.

Benedicite montes & colles
domino: benedicite yniuersa
germinantia in terra domino.

Benedicite fontes domjno:
benedicite maria & flumina do-
mino.

Benedicite cete, & omnia
quæ

quæ mouentur in aquis, domino: benedicite omnes volucres cœli domino.

Benedicite omnes bestiæ, & pecora domino: benedicite filij hominum domino.

Benedicat Israel dominum: laudet & superexaltet eum in sæcula.

Benedicite sacerdotes domini domino: benedicite serui domini domino.

Benedicite spiritus & anime iustorum domino, benedicite sancti & humiles corde domino.

Benedicite Anania, Azaria, Misael domino, laudate & superexaltate eum in sæcula.

Ee

Bene-

Benedicamus Patrem & Filium cum sancto Spiritu: laudemus & superexaltemus eum in sæcula.

Benedictus es Domine in firmamento cœli: & laudabilis & gloriosus, & superexaltatus in sæcula.

Psalmus 150.

LAudate Dominum in sanctis eius: laudate eum in firmamento virtutis eius.

Laudate eum in virtutibus eius: laudate eum secundum multitudinem magnitudinis eius.

Laudate eum in sono tubæ: laudate eum in psalterio & cithara.

Laudate eum in tympano
& cho-

& choro: laudate eum in chor-
dis & organo.

Laudate eum in cymbalis
benefonantibus, laudate eum
in cymbalis iubilationis: omnis
spiritus laudet Dominum.

Gloria Patri, &c.

Canticum Simeonis.

NVnc dimittis seruum tuū
Domine: secundum ver-
bum tuum in pace.

Quia viderunt oculi mei sa-
lutare tuum.

Quod parasti: ante faciem
omnium populorum.

Lumen ad reuelationem gē-
tium: & gloriam plebis tuæ Is-
rael.

Ee 2

Glo-

Gloria Patri & Filio, & Spiritui sancto.

Sicut erat in principio & nūc & semper: & in sæcula sæculorum. Amen.

Deinde repetitur Antiphona.

TRium puerorum cantemus hymnum: quem cantabant sancti in camino ignis benedictentes Dominum.

Deinde Sacerdos dicit.

Kyrie eleison.

Christe eleison.

Kyrie eleison.

Pater noster.

V. Et ne nos inducas in tentationem.

R. Sed libera nos à malo.

V. Con-

V. Confiteantur tibi Domine
omnia opera tua.

R. Et sancti tui benedicāt tibi.

V. Exultabunt sancti in gloria.

R. Lætabuntur in cubilibus
suis.

V. Non nobis Domine non
nobis.

R. Sed nomini tuo da gloriam.

V. Domine exaudi orationem
meam.

R. Et clamor meus ad te ve-
niat.

V. Dominus vobiscum.

R. Et cum Spiritu tuo.

Oremus.

DEus, qui tribus pueris miti-
gasti flammās ignium: con-
cede propitius, vt nos famulos

E e 3 tuos

tuos non exurat flamma vitio-
rum.

Actiones nostras, quæsumus
Domine, aspirando præ-
ueni, & adiuuando prosequere,
vt cuncta nostra oratio, & ope-
ratio à te semper incipiat, & per
te cœpta finiatur.

DA nobis quæsumus Domi-
ne, vitiorum nostrorum
flammas extinguere: qui beato
Laurentio martyri tuo, tribui-
sti tormentorum suorum in-
cendia superare. Per Chri-
stum Dominum no-
strum. A-
men.

Oratio

*Oratio Leonis Papæ, quam qui post
Officium dixerit, remissionem ad-
missarum negligentiarum in
Officio recitando con-
sequetur.*

Sacrofanctæ & indiuiduæ
Trinitati, Crucifixi Iesu
Christi Domini nostri huma-
nitati, & Beatissimæ ac Glorio-
sæ Virginis Mariæ fecunditati,
& omnium sanctorum Vni-
uersitati sit sempiterna laus, ho-
nor, virtus, gloria, ab omni cre-
atura, nobisq; remissio pecca-
torum per infinita sæcula sæcu-
lorum. Amen.

V. Beata viscera Mariæ Vir-
ginis quæ portauerunt æterni
patris filium.

Ec 4

R. Be-

R. Beata vbera quæ lactauerūt
Christum Dominum.

Pater noster. Aue Maria, &c.

Oratio post Missam.

OMnipotēs sempiternæ De-
us, conseruator animarum,
mundique redemptor, me ser-
uum tuum ante Maiestatem
tuam prostratum benignissime
respice, & Sacrificium, quod in
honore nominis tui pro salute
fidelium tam viuorum, quàm
etiam defunctorum, & pro pec-
catis, & offensionibus meis ob-
tuli, pijsimè respice, iram tuã à
me remoue, gratiam & miseri-
cordiam mihi concede, ianuam
paradyfi mihi pande, ab omni-
bus malis me potenter eripe, &
quiesce

quicquid proprio cōmisi reatu, clementer indulge: Et sic in hoc sæculo, in præceptis tuis fac me perseverare, vt dignus electorum gregi copulari efficiar: te præstante Deus meus, cuius nomen benedictum: honor, atque regnum permanet in sæcula sæculorum, Amen.

*Oratio S. Martini Papæ
ante Missam.*

O Domine Iesu Christi fili Dei viui, miserere mihi misero peccatori & omnibus seruis tuis, qui tibi hodie sacratissimum ac pretiosissimum salutis nostræ pretium pretiosi videlicet corporis & sanguinis tui offerunt Sacramentum. Et
da

da nobis gratiam & virtutem,
& fortitudinem immolandi,
offerendi ac sumendi hoc sacro
sanctum corpus & sanguinem
tuum in fide recta, spe firma, &
charitate perfecta cum augmē-
to humilitatis & patientiæ, o-
bedientiæ, castitatis ac totius
sanctitatis. In honorem & lau-
dem sanctæ & indiuiduæ Tri-
nitatis, beatissimæque virginis
Mariæ . In gaudio Sanctorum
Archangelorum & Angelorum,
Patriarcharum, Prophetarum,
Apostolorum, Martyrum, Cō-
fessorum, atque Virginum, &
omnium Sanctorum atque ele-
ctorum tuorum iam in æterna
patria lætantium. Et præsta, vt
sicut

sicut illos tam pleno & sereno splendore vultus tui sine defectu facias. Sic nos degentes in hac miseria tua gratia reficias: eos qui in poenis sunt purgatorii, ac ibi æstuant tua misericordia eripias, & sicut es illis in gaudium, sic nobis huius vitalis Sacramenti perceptio sit in subsidium & his qui in poenis sunt in refugium. Miserere igitur clementissime Domine Iesu Christe per huius viuifici Sacramenti virtutem sanctæ & vniuersali Ecclesiæ & omnia mala, scilicet hæreses, discordias, dissensiones ab ea euelle, errâtesq; in ea corrige, incredulos ad fidem
con-

conuerte, schismaticos ad vni-
tatem sanctæ Ecclesiæ fac redi-
re, & ipsis lumen tuæ veritatis
ostende, peccatoribus veram
pœnitentiam largire, iustos in
bono proposito fac perseuera-
re, populo Christiano misere-
re, clerum defende. Religiosos
in seruitio tuo sancto conserua-
re dignare, omnesque laboran-
tes conforta, tristes consolare,
infirmis sanitatem corporis &
animæ restitue, pauperibus ac
egentibus omnia corporis &
animæ necessaria tribue, pere-
grinis & exultantibus cum sa-
lute ad propria fac remeare, in
periculis aquarum positis ad
portum suæ voluntatis fac per-
tin-

ringere, prægnañtib. partum
gaudium misericorditer largi-
re. In vinculis & carceribus de-
tentos absolue, Omnibus cum
quibus peccauimus, vel quos
ad peccandum induximus, &
nobis misericors pater indul-
ge, omnib. quos cõturbauimus,
lesimus, scãdalizauimus, vel de-
fradauimus tu. gratiose creator
perfolue, omnib. parëtib. ami-
cis, inimicis, cõfratrib. & cõsan-
guineis familiaribus & benefa-
ctoribus, & quorum vtimur
vel vfi sumus Eleemosynis, o-
mnibusq; pro nobis Deum ex-
orantibus, vel orationibus no-
stris se commendantibus omnia
bona tribue, & eos ab omni ma-

lo defende, in tuoque eos ser-
uitio fac perseverare vsque in
finē. Et post huius cursum mi-
seriæ ad te qui es vera patris
merces, præmium æternum &
gloriam da peruenire. In tribu-
lationibus, persecutionibus, &
tentationibus ad te clamanti-
bus auxiliare, in agone positus
de hoc quoque seculo exituris
succurre, & animas eorū à fau-
cibus, rugientis inimici eripe.
Inimicis nostris & nobis verā
charitatem largire, omnibusq;
tuis fidelibus per huius Sacra-
menti virtutem præsta subsi-
dium, auxilium, & consolamē.
Adhuc in carne præsentibus tu-
am gloriam largiendo, futuros
tua

tua misericordia preueniendo,
præteritis vero omnib. æternā
requiem tribuendo, Deus qui
es trinus, & vnus per cuncta sæ-
culorum sæcula benedictus,
Amen.

Imploratio Patronorum.

ET vt efficax mea deprecā-
tio sit B. Marię semper Vir-
ginis suffragium peto: quā tan-
ti meriti esse fecisti: vt prima
inter mulieres omnes hoc no-
uum munus infirmitatis offer-
ret: vt Deum virgo pareret,
post partum virgo permaneret,
adsit mihi quæso semper & v-
biq; beatorū angelorū custodia
& præsta, vt apud te pro me
misero peccatore sanctorum

Ff 2

ange-

angelorum agmina intercedāt.
Intercessionēs Apostolorū im-
ploro, qui beatissima Christi
passionis vestigia sunt secuti, &
ad tantam celsitudinem perue-
nerunt, vt quæcunque ligarent
super terram, essent ligata & in
coelis, & sedent super thronos
duodecim iudicantes duode-
cim tribus Israel. Martyrum
preces exposco, quod pro tuo
nomine sanguinem suum non
dubitauerunt fundere, & duxe-
runt animas suas vsque ad mor-
tē, vt mortis auctore superarēt.
Cōfessorū orationes exoptulo,
qui bella tētationū piè dū viue-
rēt in Cathol. fide, & hæretico-
rum cōfitione diutissima cer-
tamina

tamina pertulerunt longioris
occultiq̄ue martyrij palmas ac-
ceperunt. Subueniat mihi apud
miram tuam chorus sanctarum
virginum tuarum quarū prin-
cipatum tenet beata virgo Ma-
ria: vbi ipsa cum omnibus fan-
ctis intercedat, vt ad vitam per-
ueniam sempiternam te mise-
rante & donante. Qui cum Pa-
tre, &c.

Gratiarum Actio post Missam.

GRatias tibi ago Domine pi-
jissime, quod me ad officiū
sacerdotale elegisti. Gratias tibi
ago dulcissime Deus, quod me
tuo dulcissimo corpore & fan-
guine refecisti. Gratias tibi ago

domine clementissime, pro deuotione qua me in hac Missa specialiter respexisti. Gratias tibi ago benignissime Deus, quod me protegendo à periculosis negligentijs custodisti. Mi domine deus ecce pro gratissima electione, pro dulcissima refectione, pro tã pijsima respectione, pro tam benignissima protectione & custodia tibi optime deus, ex toto corde gratias ago, te benedico, te laudo, te glorifico in æternum. Eia nunc oro pijsime Deus, vt sit mihi hoc dulcissimum Sacramentum contra omnium peccatorum meorum vulnera efficacissimum medicamentum.

Sit

Sit mihi benignissime Deus
hoc dulcissimum Sacramentum,
omnis virtutis & gratiæ victo-
riosissimū complementum. Sit
mihi pijsime Deus, hoc dulcif-
simum Sacramentum tam in vi-
ta, quam in morte contra om-
nia pericula validissimum tu-
tamentum. Sit mihi dulcissime
deus hoc amantissimum Sacra-
mentum ad æternam beatitu-
dinem solidissimum fulcimen-
tum. Mi domine deus per sum-
ptam quæso Eucharistiam, da
mihi vt à peccatis emundatus,
merito fecundatus, sine bono
consummatus, tecum in perpe-
tuū sim beatus, cui est honor, &
gloria in sæcula sæculorū, Amē.

Ff 4

Exhor-

*Exhortatio ad crebram & frequen-
tem Missæ celebrationem, ex aureis
planè Seraphici Doctoris Bona-
uenturæ (de fructibus Mis-
sæ) verbis.*

QVando Sacerdos est abs-
que peccato mortali, &
in proposito bono, legi-
timum non habens impedimē-
tum, & non ex reuerentia, sed
negligentia celebrare omittit;
tunc quantum in se est, priuat
Trinitatem laude & gloria, An-
gelos lætitia, Peccatores venia,
Iustos subsidio & gratia, in pur-
gatorio existentes refrigerio,
Ecclesiam Christi spirituali, &
seipsum medicinali remedio,
omni-

omnibusque bonis prouenien-
 tibus ex sacra communione,
 quæ sunt peccatorum remissio,
 fomitis mitigatio, mentis illu-
 minatio, interior refectio,
 Christi & corporis eius mystici
 incorporatio. Virtutum robo-
 ratio, contra diabolum arma-
 tio, fidei certitudo, eleuatio
 spei, excitatio charitatis, aug-
 mentatio deuotionis, &
 communicatio An-
 gelorum.

Liber Colleg. Societ. Jesu Paderbor.

F I N I S.

